

## **OBRAZAC 2. – PRIJEDLOG - PROGRAMA RADA**

Broj: 01-01-07-5-645-1/18  
Sarajevo, 09. 10. 2018. godine

Na osnovu člana 23. Zakona o ministarstvima i drugim tijelima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/ 09, 59/09, 103/09, 87/12, 6/13, 19/16 i 83/17) i člana 7. Odluke o godišnjem planiranju rada i načinu praćenja i izvještavanja u institucijama Bosne i Hercegovine („Službeni glasnik BiH“, broj 94/14), Vijeće Agencije za poštanski promet Bosne i Hercegovine donosi:

### **PROGRAMA RADA**

#### **AGENCIJE ZA POŠTANSKI PROMET BOSNE I HERCEGOVINE ZA 2019. GODINU**

##### **1 a - Rezime prioriteta za plansku godinu s procjenom problema i rizika**

Agencija za poštanski promet Bosne i Hercegovine (u daljem tekstu: Agencija) osnovana je Zakonom o poštama Bosne i Hercegovine („Službeni glasnik BiH“, broj 33/05) radi obavljanja funkcije regulatora u oblasti poštanskog prometa, kao nezavisna i neprofitabilna institucija, sa statusom pravnog lica.

Navedenim Zakonom, kao i Statutom Agencije definisano je da Agencija donosi godišnji Plan rada te poslije završetka svake poslovne godine objavljuje Izvještaj o svom radu, uključujući i Finansijski izvještaj i dostavlja ga Vijeću ministara Bosne i Hercegovine i Parlamentarnoj skupštini Bosne i Hercegovine na razmatranje.

Godišnji Program rada Agencije je pripremljen sa ciljem izlaganja prioriteta u radu za 2019. godinu i pomaže uspostavi snažnijih osnova na kojima će Agencija raditi tokom godine, nastojeći ispuniti svoj mandat i opće ciljeve. U Programu rada je postavljen niz ciljanih rezultata koje Agencija planira ostvariti u 2019. godini, a koji su izazovni i ambiciozni, iako su istovremeno realistični i ostvarivi. Planirane aktivnosti proizilaze iz Srednjoročnog plana rada Agencije za 2018. - 2021.

Agencija obavlja funkciju regulatora poštanskog prometa u Bosni i Hercegovini u skladu s nadležnostima propisanim članom 10. Zakona o poštama Bosne i Hercegovine („Službeni glasnik BiH“, broj 33/05), kako slijedi:

- ostvaruje kontakte s poštanskim upravama i međunarodnim poštanskim organizacijama;
- izdaje i oduzima licence poštanskim operaterima za pružanje poštanskih usluga, u skladu s Pravilnikom koji donosi Vijeće Agencije;
- donosi tehnološke propise za funkcionisanje poštanskoga prometa na teritoriji cijele Bosne i Hercegovine, te predlaže propise kojima se definišu jedinstveni opći uvjeti za pružanje poštanskih usluga i opći standardi univerzalnih poštanskih usluga;
- prati da li se poštanski operater pridržava uvjeta sadržanih u izdanim licencama, a u slučaju povrede tih uvjeta ili odredaba ovoga Zakona poduzima mjere iz svoje nadležnosti;

## 2

- prati poštovanje utvrđenih principa poštanske politike i inicira mjere za otklanjanje svih odstupanja od tih principa;
- prati međunarodne poštanske propise i obavještava javne operatere i druge operatere poštanskoga prometa o njihovom donošenju, izmjenama i dopunama;
- daje saglasnost na ugovore koje zaključuju poštanski operateri u Bosni i Hercegovini s operaterima poštanskoga prometa poštanskih uprava drugih zemalja;
- utvrđuje metodologiju i principe za obračun međuoperaterskih, tranzitnih i terminalnih troškova i prati njihovu realizaciju;
- prati međunarodni obračun u skladu s utvrđenim principima i propisima Svjetskog poštanskog saveza i raspodjelu unutar operatera;
- utvrđuje jedinstvenu tarifnu politiku za rezervisane usluge na teritoriju Bosne i Hercegovine;
- predlaže kriterijume za utvrđivanje maksimalnih cijena izvršavanja poštanskih usluga;
- utvrđuje visinu troškova za izdavanje licenci i visinu godišnje naknade za pružanje poštanskih usluga, kao i rokove za izmirenje obaveza plaćanja;
- daje saglasnost na program izdavanja poštanskih maraka koje izdaju javni poštanski operateri;
- donosi opći red prevoza poštanskih pošiljaka i iznalazi optimalne pravce toga prevoza;
- utvrđuje iznos naknade za pokriće gubitaka javnih poštanskih operatera;
- organizuje simpozijume, stručne seminare i sl.;
- vrši druge poslove koji su joj povjereni ovim Zakonom ili drugim aktima, u skladu s ovim Zakonom.

Nadležnosti Agencije su zasnovane na principima nezavisnosti, primjeni regulacije i praćenju poštivanja zakona i pravila, te omogućenju tehničkih, finansijskih i kadrovskih preduvjeta za efektno izvršavanje zadataka.

Aktivnosti Agencije na području regulacije tržišta poštanskih usluga će biti usmjerene na:

- pokretanje različitih inicijativa s ciljem unapređenja razvoja tržišta poštanskih usluga,
- preventivno i represivno djelovanje na uočene pojave i trendove na tržištu poštanskih usluga,
- revizija i usklađivanje podzakonskih akata Agencije u skladu s kretanjima na tržištu poštanskih usluga,
- kvalitet poštanskih usluga u najboljem interesu krajnjih korisnika poštanske usluge.

### **Pregled očekivanih godišnjih rezultata i aktivnosti organizovanih po srednjoročnim ciljevima iz Srednjoročnog plana rada**

Agencija za poštanski promet Bosne i Hercegovine kao regulatorno tijelo, pravno odvojeno i operativno nezavisno od davaoca poštanskih usluga je nadležna i odgovorna za obavljanje funkcije regulatora i nadzora u oblasti poštanskog prometa u Bosni i Hercegovini i u okviru svojih nadležnosti doprinosi realizaciji cilja ODRŽIVOG RASTA.

U okviru općeg cilja ODRŽIVI RAST definisana su četiri strateška cilja, a Agencija je nadležna za Ravnomjeran regionalni razvoj koji će se realizovati kroz ispunjenje srednjoročnog cilja: stvaranje uvjeta za uspostavu kvalitetnijih, efektivnijih, sigurnijih i savremenijih sistema komunikacija u Bosni i Hercegovini. U okviru ovog cilja kao prioritet je razvoj, implementacija i unapređenje regulatornog okvira tržišta poštanskog prometa, u skladu sa EU legislativom o poštanskim uslugama, relevantnim međunarodnim standardima i razvoju tehnologije i

usluga kao i važećim trendovima. Jedan od osnovnih elemenata regulatornog okvira uspostavljenog direktivom EU o poštanskim uslugama je ispravno funkcionisanje univerzalnih usluga i dalje otvaranje tržišta poštanskih usluga prema tržišnoj konkurenciji u području nerezervisanih poštanskih usluga.

U 2019. godini akcenat će biti stavljen na unapređenje regulative koja doprinosi boljem razvoju i liberalizaciji tržišta i poboljšanju konkurencije na poštanskom tržištu. Zaštita korisnika poštanskih usluga je jedan od prioritarnih ciljeva regulacije, pa će Agencija posebnu pažnju posvetiti ovoj oblasti, za dobrobit krajnjih korisnika poštanskih usluga. Efektivna primjena regulatornih mjera je aktivnost Agencije koja se provodi kroz monitoring davanja poštanskih usluga u poštovanju postojećih pravila i uvjeta iz ovlaštenja i licenci i izdavanju novih licenci u skladu s razvojem tržišta poštanskih usluga.

Cilj navedenog regulatornog okvira ustanovljenog Poštanskom direktivom EU je postizanje jedinstvenog tržišta poštanskih usluga, postupnim i kontinuiranim otvaranjem tržišta poštanskih usluga, tj. liberalizacija tržišta poštanskih usluga u Evropskoj uniji u skladu sa tzv. trećom poštanskom direktivom usvojenom 2008. godine.

Osnovni zadatak Agencije kao regulatornog tijela predstavlja ispunjavanje obaveza koje proističu iz nadležnosti definisanih Zakonom o poštama Bosne i Hercegovine („Službeni glasnik BiH“, broj 33/05), a posebno kroz unapređenje postupka regulisanja tržišta sa ciljem osiguranja daljeg pružanja univerzalnih poštanskih usluga određene kvalitete i pod jednakim uvjetima.

Program rada Agencije za 2019. godinu je logičan nastavak dosadašnjeg rada regulatornog organa iz predhodnih godina, te će Agencija nastaviti s jačanjem uloge samostalnog i nezavisnog regulatora poštanskog tržišta.

U 2019. godini Agencija poziciju nezavisnog regulatora tržišta poštanskih usluga planira jačati i provoditi na osnovu kontinuisane saradnje sa svim subjektima u okviru poštanskog sistema, te savjetodavnom podrškom svim pružaocima poštanskih usluga, na principu objektivnosti, transparentnosti i nediskriminacije.

Aktivnosti koje će Agencija provoditi u 2019. godini su:

- Priprema i donošenje novih, izmjene i dopune postojećih podzakonskih akta iz nadležnosti Agencije,
- Održivi razvoj univerzalne usluge, te osiguranje dostupnosti univerzalne poštanske usluge na cijeloj teritoriji Bosne i Hercegovine,
- Razdvajanje računovodstva i alokacija troškova javnih poštanskih operatera,
- Nadzor poštivanja primjene zakonskih odredaba na području pružanja poštanskih usluga,
- Nadzor pravilnosti korištenja licenci i ovlaštenja operatera poštanskog prometa, u cilju zaštite korisnika poštanskih usluga,
- Prikupljanje i analiza podataka o stanju na tržištu poštanskih usluga,
- Saradnja s državnim institucijama, nosiocima dozvola i korisnicima poštanskih usluga,
- Aktivnosti na međunarodnom planu,
- Promovisanje ugleda Agencije kroz kvalitetan rad i transparentno donošenje odluka,
- Obuke zaposlenih kroz razmjenu stručnih mišljenja.

Agencija aktivno učestvuje u procesu implementacije zakonskih odredaba, u smislu uspostave internog računovodstvenog sistema javnih poštanskih operatera, iz kojeg će se moći utvrditi struktura prihoda i troškova rezervisanih i nerezervisanih univerzalnih usluga, te struktura i visina prihoda i troškova posebnih poštanskih usluga.

Ostale planirane aktivnosti Agencije su navedene u dijelu operativnih, logističkih i administrativnih aktivnosti.

## **Procjena mogućih problema i rizika za provođenje Programa rada za 2019. godinu**

Kada je u pitanju realizovanje planiranih aktivnosti očekivanja su da će Program rada biti ostvaren. Međutim mogući su problemi u realizaciji pojedinih aktivnosti koje ne zavise isključivo od Agencije, već se usaglašavaju s drugim institucijama.

Jedan od rizika koji se mogu pojaviti tokom izrade navedenih podzakonskih akata jeste neblagovremeno dostavljanje mišljenja od strane nadležnih institucija što može imati za posljedicu kašnjenja istih u odnosu na planiranu dinamiku.

Također, problem za provođenje Programa rada Agencije za 2019. godinu je:

- Neusklađenost propisa na nivou države i entiteta,
- Globalna neusklađenost legislative,
- Odlaganje provedbe procesa liberalizacije u području univerzalnih poštanskih usluga koja će usporiti dalji razvoj poštanskog tržišta,
- Potkapacitiranost odnosno nedovoljan broj stručnih kadrova,
- Nepostojanje Strategije razvoja tržišta poštanskih usluga u Bosni i Hercegovini kojom bi se utvrdili ciljevi i politika zaštite slobode tržišnog nastupa, interesi privrede, građana i korisnika poštanskih usluga, dostupnost univerzalnih poštanskih usluga kao i razvoj novih usluga.

b) Tabela pregled očekivanih godišnjih rezultata i aktivnosti organizovanih po srednjoročnim ciljevima iz Srednjoročnog plana Agencije. (Tabela II)

5

II. - AKCIJSKI PLAN GODIŠNJEG PROGRAMA RADA INSTITUCIJE BiH													
Opći cilj/principi razvoja: Održivi rast													
Strateški cilj: Ravnomjeran regionalni razvoj													
Srednjoročni cilj: Stvaranje uvjeta za uspostavu kvalitetnijih, efektivnijih i savremenijih sistema prometa i komunikacija u Bosni i Hercegovini													
Specifični cilj: Unapređenje regulatornog okvira tržišta poštanskog prometa													
Programi, projekti i aktivnosti	Nosilac aktivnosti (organizacijska jedinica)	Pokazatelji				Troškovi	Izvori finansiranja						Planirani kvartal za provođenje
		Pokazatelji rezultata ili uticaja	Jedinica mjerenja (% , broj ili opisno)	Polazna vrijednost (n)	Ciljana vrijednost (n+1)	Procijenjeni troškovi	Budžet	Krediti	Donacije	Ostali izvori	Ukupno	Program u DOB-u	
1	2	3	4	5	6	7	8	9	10	11	12	13	14
1.1 (naziv programa)Regulacija tržišta poštanskog prometa													
1.1.1 (naziv projekta) Regulacija tržišta poštanskog prometa. (Program=Projekat)													
1.1.1.1 Donošenje podzakonskih akata, pravila i uputstava sa ciljem poboljšanja regulacije poštanskog prometa		Nivo pridržavanja regulative	%	85	96	782.000				782.000	782.000	046610	I-XII
1.1.1.2 (naziv aktivnosti)...													
1.1.2 (naziv projekta)...													
1.2 (naziv programa)...													

### c) Tabela pregled zakona i podzakonskih akata (Tabela III i IV)

Agencija za poštanski promet Bosne i Hercegovine nije nadležna za donošenje zakona, međutim, u skladu sa članom 10. Zakona o poštama Bosne i Hercegovine Agencija je nadležna za donošenje i usklađivanje podzakonskih akata, te je iz prednje navedenog razloga, tabela III - Zbirni pregled zakona planiranih Godišnjim programom rada institucije ostala nepopunjena.

<b>III. - ZBIRNI PREGLED ZAKONA PLANIRANIH GODIŠNJI PROGRAMOM RADA INSTITUCIJE BiH</b>			
Opći cilj/principi razvoja: Održivi rast			
Strateški cilj: Ravnomjeran regionalni razvoj			
Srednjoročni cilj: Stvaranje uvjeta za uspostavu kvalitetnijih, efektivnijih i savremenijih sistema prometa i komunikacija u Bosni i Hercegovini			
Specifični cilj: Unapređenje regulatornog okvira tržišta poštanskog prometa			
Naziv zakona	Razlozi za donošenje zakona*	Usklađivanje s pravnim naslijeđem EU (DA/NE)	Planirani kvartal za provođenje
1	2	3	4
<b>1.1 (naziv programa) Regulacija tržišta poštanskog prometa (Program=Projekat)</b>			
<b>1.1.1 (naziv projekta)</b>			
<b>a) ZAKONI ZA KOJE SE NEĆE PROVODITI PROCJENA UTICAJA</b>			
1.1.1.1 (naziv zakona)			
1.1.1.2 (naziv zakona)...			
<b>b) ZAKONI ZA KOJE ĆE SE PROVODITI PROCJENA UTICAJA</b>			
...1.1.1.3 (naziv zakona)			
1.1.1.4 (naziv zakona)...			

IV. - ZBIRNI PREGLED PLANIRANIH PODZAKONSKIH AKATA PLANIRANIH GODIŠNJIM PROGRAMOM RADA INSTITUCIJE BiH		
Opći cilj/principi razvoja: Održivi rast		
Strateški cilj: Ravnomjeran regionalni razvoj		
Srednjoročni cilj: Stvaranje uvjeta za uspostavu kvalitetnijih, efektivnijih i savremenijih sistema prometa i komunikacija u Bosni i Hercegovini		
Specifični cilj: Unapređenje regulatornog okvira tržišta poštanskog prometa		
Naziv podzakonskog akta	Razlozi za donošenje podzakonskog akta*	Planirani kvartal za provođenje aktivnosti
1	2	3
<b>1.1 (naziv programa)Regulacija tržišta poštanskog prometa (Program=Projekat)</b>		
<b>1.1.1 (naziv projekta) Regulacija tržišta poštanskog prometa (Program=Projekat)</b>		
1.1.1.1 Odluka o izmjeni i dopuni Metodologije za obračun troškova završne faze u međuoperaterskom poštanskom prometu	Članom 10. stav (5) tačka h) Zakona o poštama Bosne i Hercegovine, propisano je da Agencija: „Utvrdjuje Metodologiju i principe za obračun međuoperaterskih, tranzitnih i terminalnih troškova i prati njihovu realizaciju”. Radi pravičnije raspodjele međuoperaterskih tranzitnih i terminalnih troškova u unutarašnjem i međunarodnom poštanskom prometu, potrebno je izvršiti izmjene i dopune Metodologije za obračun troškova završne faze u međuoperaterskom poštanskom prometu.	IV kvartal
1.1.1.2 Pravilnik o načinu vođenja odvojenog računovodstva operatera univerzalne poštanske usluge	Implementacija odvojenog troškovnog računovodstva od strane Javnih poštanskih operatera, kako bi se stvorili uvjeti za utvrđivanje iznosa naknade za pokriće eventualnog gubitka javnih poštanskih operatera, a radi omogućavanja ostvarivanja prava na subvenciju za rezervisane univerzalne poštanske usluge.	IV kvartal
1.1.1.3 Odluka o visini troškova za izdavanje licenci i visini naknade za obavljanje poštanskih usluga	Izmjena radi uređivanja efektivnije naplate prihoda koje ostvaruje Agencija od naknada za obavljanje poštanskih usluga.	I kvartal
1.1.1.4 Pravilnik o izmjenama i dopunama Pravilnika o izdavanju licenci za obavljanje poštanskih usluga	Izmjena u cilju otklanjanja nejasnoća utvrđenih kroz provedbu odredaba iz Pravilnika, radi preciznijeg propisivanja postupka i uvjeta za izdavanje licenci.	II kvartal
1.1.1.5 Donošenje Procedura i kriterijuma za podnošenje zahtjeva za davanje saglasnosti na godišnje programe poštanskih maraka i pojedinačne emisije poštanskih maraka	Radi jednoobraznog podnošenja Zahtjeva za saglasnost propis kojeg bi donijela Agencija sadržavao bi propisanu proceduru za dostavljanje godišnjih programa izdanja poštanskih maraka s elementima koji su neophodni da bi Agencija dala saglasnost na iste i proceduru za pojedinačna izdanja poštanskih maraka s elementima koji moraju biti u skladu s godišnjim programom u skladu sa članom 16. Zakona.	I kvartal
1.1.1.6 Odluka o izmjeni i dopuni Općih uvjeta za obavljanje poštanskih usluga	Određeni nedostaci pojedinih odredaba, radi nepreciznog i nejasnog definisanja pojedinih članova.	IV kvartal
1.1.2.1 Plan borbe protiv korupcije 2018. - 2020.	Usklađivanje Plana borbe protiv korupcije, zavisno o usvajanju nove Strategije borbe protiv korupcije i Akcijskog plana borbe protiv korupcije	IV kvartal

#### d) Tabelarni pregled međunarodnih ugovora koji se planiraju zaključiti

Bosna i Hercegovina je članica Svjetskog poštanskog saveza, te je potpisnica multilateralnih akata koji proizlaze iz članstva u Savezu, čija primjena je obavezna na području svih država članica Saveza.

8

<b>V.- ZBIRNI PREGLED MEĐUNARODNIH UGOVORA PLANIRANIH GODIŠNJIM PROGRAMOM RADA INSTITUCIJE BiH</b>		
<b>Opći cilj/principi razvoja: Održivi rast</b>		
<b>Strateški cilj: Ravnomjeran regionalni razvoj</b>		
<b>Srednjoročni cilj: Stvaranje uvjeta za uspostavu kvalitetnijih, efektivnijih i savremenijih sistema prometa i komunikacija u Bosni i Hercegovini</b>		
<b>Specifični cilj: Unapređenje regulatornog okvira tržišta poštanskog prometa</b>		
<b>Naziv međunarodnog ugovora</b>	<b>Razlozi za zaključivanje međunarodnog ugovora*</b>	<b>Planirani kvartal za provođenje aktivnosti</b>
<i>1</i>	<i>2</i>	<i>3</i>
<b>1.1 (naziv programa)</b>		
<b>1.1.1 (naziv projekta)</b>		
1.1.1.1 (naziv međunarodnog ugovora)	Bosna i Hercegovina je članica Svjetskog poštanskog saveza, te je potpisnica multilateralnih akata koji proizlaze iz članstva u Savezu, čija primjena je obavezna na području svih država članica Saveza. Agencija za poštanski promet Bosne i Hercegovine nije nadležna zaključivati međunarodne ugovore.	
1.1.1.2 (naziv međunarodnog ugovora)...		
<b>1.1.2 (naziv projekta)...</b>		



### e) Pregled operativnih, logističkih i administrativnih aktivnosti

Kako bi ostvarila ulogu regulatora poštanskog prometa u skladu sa Zakonom o poštama Bosne i Hercegovine, Agencija će u 2019. provoditi sljedeće operativne, logističke i administrativne aktivnosti:

- Pripreme materijala Vijeću Agencije za rješavanje zahtjeva Javnih poštanskih operatera, za davanje saglasnosti na Godišnji program izdavanja poštanskih maraka i saglasnosti na idejna rješenja poštanskih maraka,
- Analiza dostavljenih izvještaja od strane Javnih poštanskih operatera i poštanskih operatera,
- Prikupljanje podataka od Javnih poštanskih operatera, potrebnih za izradu Izvještaja o stanju poštanske mreže i kvaliteti obavljenih poštanskih usluga,
- Prikupljanje podataka za utvrđivanje općeg reda prevoza poštanskih pošiljki,
- U cilju utvrđivanja iznosa naknade za pokriće gubitaka Javnih poštanskih operatera pribaviti podatke o načinu vođenja internog računovodstvenog sistema kako bi se sačinio prijedlog Pravilnika za kriterijume, mjere i postupke za ostvarivanje prava na subvencije iz entitetskih i državnog budžeta, u cilju održivosti univerzalnih poštanskih usluga,
- Sačinjavanje Metodologije za prikupljanje podataka o ukupnom prometu poštanskih usluga, po mogućnosti za sve operatere poštanskog prometa kako bi se osigurala zajednička baza podataka za jedinstveno poštansko tržište,
- Na osnovu odgovarajućih podataka, sačinjavanje analiza, izvještaja i informacija koje se odnose na učešće pojedinačnog operatera poštanskog prometa u ukupnom obimu poštanskog prometa za 2018.,
- Praćenje realizacije međusobnih obaveza Javnih poštanskih operatera po pitanju troškova završne faze u unutrašnjem prometu, a u skladu s Metodologijom za obračun troškova završne faze poštanskih pošiljaka u unutrašnjem te terminalnih i tranzitnih troškova u međunarodnom prometu između Javnih poštanskih operatera,
- Organiziranje sastanaka, okruglih stolova, radnih grupa radi prikupljanja podataka i koordinacije sa nadležnim tijelima svih nivoa vlasti u Bosni i Hercegovini, u cilju suzbijanja i sankcionisanja nezakonitog pružanja usluga iz područja poštanske djelatnosti.
- Istraživanje tržišta radi utvrđivanja stepena zadovoljstva korisnika univerzalne poštanske usluge kvalitetom pruženih usluga,
- Nadzor nad poštanskim operaterima u cilju utvrđenja pridržavanja uvjeta za obavljanje poštanskih usluga, a koje su sastavni dio licence za obavljanje poštanskih usluga,
- Obrada zahtjeva za izdavanje licenci, izrada rješenja i pribavljanje saglasnosti Ministarstva komunikacija i prometa Bosne i Hercegovine te objava u Službenom glasniku BiH,
- Praćenje međunarodnih poštanskih propisa te obavještanje operatera poštanskog prometa o njihovom donošenju, izmjenama i dopunama,

- Kontinuisano praćenje unutrašnjeg i međunarodnog stanja tržišta poštanskih usluga, sudjelovanje na kursovima vezanim za područje poštanskog prometa, radu regulatornih tijela, novim tehnologijama i slično,
- Organizacija bilateralnih i multilateralnih sastanaka i radionica s regulatorima susjednih zemalja,
- Izrada Analize stanja tržišta poštanskog prometa.

#### f) Pregled razvojnih, investicionih projekata i programa javnih investicija

U Srednjoročnom programu rada 2019. - 2021., Agencija nije planirala javne investicije i druge projekte, pa stoga tabela VI nije popunjena.

10

VI. - ZBROJNI PREGLED JAVNIH INVESTICIJA PLANIRANIH GODIŠNJIM PROGRAMOM RADA INSTITUCIJE BiH		
Opći cilj/principi razvoja: Održivi rast		
Strateški cilj: Ravnomjeran regionalni razvoj		
Srednjoročni cilj: Stvaranje uvjeta za uspostavu kvalitetnijih, efektivnijih i savremenijih sistema prometa i komunikacija u Bosni i Hercegovini		
Specifični cilj: Unapređenje regulatornog okvira tržišta poštanskog prometa		
Naziv projekta javnih investicija	Osnovni ciljevi, aktivnosti i komponente projekta	Planirani period realizacije
1	2	3
<b>1.1 (naziv programa)</b>		
<b>1.1.1 (naziv projekta)</b>		
1.1.1.1 (naziv javne investicije)	<i>U Srednjoročnom programu rada Agencije 2019. - 2021., nisu planirane javne investicije i drugi projekti te je stoga tabela VI nepopunjena.</i>	
1.1.1.2 (naziv javne investicije)...		
<b>1.1.2 (naziv projekta)...</b>		
<b>1.2 (naziv programa)...</b>		

## **VII – IZVJEŠTAJ O PROVEDENIM KONSULTACIJAMA KOD IZRADE PROGRAMA RADA**

Agencija je u skladu sa članom 3. stav (1) tačka f) Uputstva o načinu pripreme godišnjeg programa rada i izvještaja o radu u institucijama Bosne i Hercegovine („Službeni glasnik BiH“, broj 45/15) obavila konsultacije u postupku pripreme prednacrtu Programa rada Agencije za poštanski promet Bosne i Hercegovine za 2019. putem portala e-konsultacije koja se nalazi na službenoj stranici [www.rap.ba](http://www.rap.ba).

***RUKOVODILAC***

Mirko Kosorić dipl.ecc.